



# Kattusseqatigiit Partiiat

Januar 2011

UPA 2011/56

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Ammasumik sulianut immikkoortiterineq ammasumik suliariumannittuussarsiusarnerni salliutinneqartarnissaat taamaalillunilu suliffiit sungiusarfiusut sapinngisamik qulakkeerneqarnissaat pillugit sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersup UKA 2012-imut allanngortinneqarnissaanik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaqa Knud Fleischer, Kattusseqatigiit Partiiat)

## **Tungavilersuut:**

Ukiakkut ataatsimiinnermi 2010-mi *Kattusseqatigiit Partiiata* Inatsisartunut apeqquteqaat aallaavigalugu oqallisissiatut saqqummiuppaat ammasumik suliariumannittussarsiorarneq qanoq aaqqissuussaasoq. Oqallinnermi *Kattusseqatigiit Partiiata* maluginiarsimavaa malerua-gassanik allanngortitsinissaq partiinit taparserneqarluartoq. Taamaammatt *Kattusseqatigiit Partiiata* matumuuna una aalajangiiffigisassatut siunnersuut saqqummiuppaat. .

Aalajangiiffigisassatut siunnersuutigisarput atuutsinneqalissappat isumaqarpugut aningaasatigut atugassarititaasut pitsanngoriarfeqassasut, sualummik håndværksmesterinut mikinerusunut nunaqavissunut. Suliarinninnissamut isumaqatigiissutaasartup totalentreprise-p atornerani ajornartorsiutaavoq suliffeqarferujussuit akissarsiorlut ammasumik suliariumannittussarsiornermi nikingasoqartillugu unammilleqatigiinnermi salliusutut inissinneqartarmata.

Totalentreprise-p atornerarnerani imaariasaarsinnaavoq qallunaaq sanaartugassanik suliassinneqartartoq (entreprenør) neqeroortoq isumaqatigiissuteqarsimasoq qallunaanik suliassat pisa-taannik pilersuisunik taamaallaat suleqateqarnissammik, taamaalilluni nunaqavissut mesterit sulinnermi ilanngunneqarsinnaaneratt mattunneqarluni. Tamakkua saniatigut *Kattusseqatigiit Partiiata* maluginiarpaa nunaqavissut håndværksmesterit soorlumi suliffeqarferujussuarninnaanniit suliffinnik sungiusartarfiusussanik pilersitsiniarnermik aallaaveqarnerusut.

Håndværksmesterit nunaqavissut ammasumik sulianut immikkoortiterinerup ammasumik suliariumannittuussarsiuussisarnerni atorluarneqarnerulerneratigut periarfissagissaartinneqalerpata isumaqarpugut tamanna nunaqavissunut håndværksmesterinut aningaasatigut atugassarisaat pitsanngorsaavigineqassasut. Taamaalilluni mesterit nunavissunik sulisussarsiornissaminnut periarfissagissaarnerulissapput, soormi pisortatigut sanaartornermut aningaasartuutaasartut aamma annertunerpaamik nunagisamut aningaasatigut iluaqutaalissasut.

Naalackersuisooqatigiit isumaqatigiissutaanni ilaatigut allaqqavoq ammasumik suliassanik immikkoortiterineq aallaavigalugu ammasumik suliariumannittuussarsiuussisarneq aqutigin eqassappat suliffeqarfiit nunaqavissut amerlanerusunik inissialiorsinnaatitaasinnaasut. Taamaammat ***Kattuseqatigiit Partiiat*** isumaqarpoq piffissanngortoq oqallisissiatsinni ajornartorsiutip saqqummiussatta iluarsineqarnissaa sulissutigissallugu.

### **Aningaasaqarnikkut allaffissornikkullu siunnersuutip pisortanut sunniutissai.**

Naatsorsuutigineqarpoq pisortat siunnersuut aningaasartuuteqarfigiumaaraat, tassami inatsisip allanngortinnissaa suliarineqassammat, nutserneqarluni il.il. Kingornalu tusarniaassutigineqassalluni. Taassuma suliarineqarnissaa tassa allaffissornikkut ingerlanneqassooq. Ilimagineqarpoq inatsisilerinermut tngasortaasa suliarineqarneri Djøf-ip årsværkiata 500.000 kr.-ip tallimaraarterutigissagaa, nutserneqarnissaa tusarniaassutigineqarnissaalu ilanngullugit. Siunnersuut aalajangiunneqassappat naatsorsuutigineqarpoq pisortatigut sanaartugassanut atatillugu allaffissorneq atortorissaarutitigut aammalu inatsisilerinermut tunngasutigut annertuunik suliassaqarneri pissutigalugit ingerlanniarnissaa aningaasartuutitigut annertussasoq.

Sanatitsisup sanaartugassanik suliassinneqartartut peqatigalugit sanaartugassaq aallaavigalugu immikkut ittunik isumaqatigiissut iliortariaqarnera ammasumik sulianut immikkoortiterinerup atornerani allaffissornermik annerusoq inatsisilerinerlu annertujaamik malitseqassapput. Sanatitsisup sanasussallu akissaannik isumaqatigiissutip naapertuulluartup anguneqarsinnaanera pisinnaalluarput ammasumik sulianut immikkoortiterinikkut. Ammasumik sulianut immikkoortiterineq sanaartornerup naliginnaasup agguataarneranut tulluuppoq, taamaalillunilu sanatitsisoq periarfissaqartissallugu suliffeqarfinnik immikkut tulluussarsimasunik isumaqatigiissusiornissaanut. Totalentreprise-p atornerani sanaartugassanik suliassinneqartartoq tassaakkajuppoq tamanik imaluunniit suliassat annerpaartaannik akisussaasoq, taamaalillunilu allaffissornermut aammalu sanatitsisumut aningaasartuutit minnerusarlutik.

**Siunnersuutip innuttaasunut aningaasatigut allaffissornikkullu sunniutissai.**

Siunnersuut innuttaasunut aningaasatigut malunniuteqassooq, tassami naatsorsuutigisariaqarmat ammasumik sulianut immikkoortiterinerup atorneqarneruleranata kingunerisaanik sanaartorerup akitsornissaa, ilaatigut pissutigalugu totalentreprise-p atornerani sanatitsisup atortorissaarutitigut aningaasartuutissat aqussinnaasai ajornannginnerummata. Tamakkua saniatigut totalentreprise-p atornerani sanatitsisoq ataasiaannarluni akimik isumaqatiginninniasammat, suliniummut aningaasartuutissat apparnerannik kinguneqakkajussinnaasumik. Pilersaarusionerullu sanaartugassanik suliarinnittartup ataasiinnaap sulineratigut annertuumik ingerlatsinermi iluaqutissartaqarluarluni.

**Siunnersuutip aningaasatigut allaffissornikkullu namminersrtumut sunniutissai.**

Siunnersuutitta ajoqutigisinnaasai illua-tungilerneqarput håndværksmesterit nunaqavissut ammasumik suliariumannittussarsiuussisarnerni periarfissaat pitsannguuteqassammata. Siunnersuut alaajangiunneqassappat naatsorsuutigineqarpoq nunatta aningaasaqarnerani, pisortatigut sanaartortoqartillugu aningaasaliissutaasartut kaaviaartinneqalissasut. Aammattaaq siunnersuutip malitsigissuaa sanaartortoqartillugu nunaqavissunik sulisoqarnerulerneq, tamannalu aamma nunatta aningaasaqarneranut sunniuteqarluassooq. Qanorpiaq annertutigisumik nunatta aningaasarnikkut iluanaarutigiumaarneraa missingersuusiariuminaappoq.